

佛說校量數珠功德經

出天息災新譯文
珠根本儀軌經中

唐迦濕蜜羅國三藏實思惟譯

爾時文殊師利法王子菩薩摩訶薩爲欲利益諸有情故以大悲心告諸大衆言汝等善聽我今演說受持數珠校量功德獲益差別若有誦念諸陀羅尼及佛名者爲欲自利及護他人速求諸法得成驗者其數珠法應有如是須當受持若用鐵爲數珠者誦拍一徧得福五倍若用赤銅爲數珠者誦拍一徧得福十倍若用真珠珊瑚等爲數珠者誦拍一徧得福百倍若用木櫨子爲數珠者誦拍一徧得福千倍若求往生諸佛淨土及天宮者應受此珠若用蓮子爲數珠者誦拍一徧得福萬倍若用因陀羅佉叉爲數珠者誦拍一徧得福百萬倍若用烏嚧陀囉佉叉爲數珠

者誦拍一徧得福千萬倍若用水精爲數珠者誦拍一徧得福萬萬倍若用菩提子爲數珠者或用掐念或但手持數誦一徧其福無量不可算數難可校量諸善男子其菩提子者若復有人手持此珠不能依法念誦佛名及陀羅尼此善男子但能手持隨身行住坐卧所出言語若善若惡斯由此人以持菩提子故得福等同如念諸佛誦呪無異獲福無量其數珠者要當須滿一百八顆如其難得或爲五十四或二十七或十四亦皆得用此

知二

二十

即數珠法相差別諸善男子以何因緣我今獨讚用菩提子獲益最勝諸人善聽我爲汝等重說昔因過去有佛出現於世在此樹下成等正覺時一外道信邪倒見毀謗三寶彼有一男忽被非人打殺外道念言我今邪盛

未審諸佛有何神力如來既是在此樹下成
等正覺若佛是聖樹應有感即將亡子卧著
菩提樹下作如是言佛樹若聖我子必甦以
經七日誦念佛名其子乃得甦甦外道讚言
諸佛神力我未曾見佛成道樹現此希奇甚
大威德難可思議諸外道等悉捨邪歸正發
菩提心信知佛力不可思議諸人咸號爲延
命樹以此因緣有其二名應當知之我爲汝
等示其所要說此語已佛言善哉善哉文殊
師利法王子如汝所說一無有異一切大衆
聞此持珠校量功德皆大歡喜信受奉行

佛說校量數珠功德經